

鐵嶺縣志

卷一



圖書

東京大學
圖書館
藏

東京大學
日本書院
大使館
查所資料室

鐵嶺縣志敘

敘曰萬物法天天法道道法自然自然者何也不知其所以然而爲之者也古今之故誠莫違於時矣太初沕穆垓比無垠兩儀旣立三才配焉

敘

忽爾一畫而斷之連之而重之而再重之二老六子正位於其中而萬事萬物遂無不本於此也喁于吹萬卽爲鍾呂之先飲血茹毛已開珍齊之始書契聿興而墳典丘索

諸子百家不可紀極矣世代
緬邈黃農虞夏之事猶約畧
可稽則史之爲也史卽志也
虞書君臣告勅都兪一堂因
事陳辭炳焉與星日同朗此
卽唐虞之志也夏書卽夏志

敘

二

商書卽殷志周書卽周志也
孔子刪書而終秦誓所謂其
或繼周百世可知者已露一
端矣蕭何爲漢功第一以入
秦先得丞相御史律令圖書
藏之漢王所以具知天下阨

塞戶口多寡疆弱之處以何
具得秦圖書故也魏晉以還
皆以蘭臺石室之藏攬集成
書遂代各有史孔子因魯史
以成春秋筆則筆削則削游
夏不能贊一辭而揆以天理

敘

三

民彝之正亦猶之乎不知其
所以然而爲之者也余未受
簡命之先已奉有

旨令直省府州縣各修志書數年
矣蒞任以後 府檄頻催而
苦無以應今歲秋冬之際乃

與紳士之隸籍茲土者謀所以終其事首建置謂邑立而後諸務興也次疆域謂畫疆而理官司之守也

國家賞賚祿子士馬兵甲之費胥於賦人取給焉故田賦次

敘

四

之戶口又卽次之學校則此地所無然事之大者不可後故學校次之官師相代失得之故卽在衆多之口堯湯水旱聖帝明王弗免焉其有事於此產於此卓然有所樹立

皆高山之仰也世無傳人而
有傳文文傳而人亦傳故次
官師次祥異次人物而以藝
文終大款九細目二十有九
纂輯率出董子蒐採校正諸
紳士咸與有力余借手以觀

敘

五

其成耳嗟乎余於此則不能
無感矣直省皆有舊志可依
雖今昔異宜不過數十年事
耳鐵嶺有志或亦開闢來所
未聞乎今不辭固陋勉綴成
編所見所聞所傳聞一邑之

事大畧盡此

聖天子欲以周知天下之故衣裳
萬國傳示來茲者則此一編
亦備天廚一臠未可少也志
卽史也總以時至事起不知
其所以然而爲之者耳唐人

敘

六

倉頡廟詩云空階有鳥跡猶
是造書時吾且溟滓其際矣
康熙丁巳陽月旬有九日奉
天府鐵嶺縣知縣媯川賈弘
文謹敘

鐵嶺縣志目錄

建置志

城池

公廨

壇壝

祠廟

關梁

驛站

倉庫

養濟院

麗譙

疆域志

山川

村落

物產

市集

古蹟

田賦志

丁糧

徭役

雜稅

戶口志

鐵嶺縣志

卷上

目錄

一

里社

風俗

孝義

學校志

選舉

書院

名宦

鄉賢

鄉飲

官師志

祥異志

人物志

藝文志

碑

記

雜文

詩

鐵嶺縣志目錄終

同修縣志姓氏

纂輯

董國祥 掌錄氏

蒐採

孫 榘 麓樵氏

羅繼謨 巖旭氏

校正

邢爲樞 環生氏

左曄生 觀野氏

姓氏

卷上


左昕生 肅公氏

鐵嶺縣志圖

輿圖二

一疆域圖

一縣治圖



鐵嶺縣志輿圖

西南至小河口七十里

疆域圖

西至遼河舊邊二十里

紅崖嘴

遼河

山保

山峰

湖凌

縣治

西關

莊家

社稷

演武場

新鋪

鴛鴦湖

石山

東山

黃山

諸兒山

城南舖

新鋪

石山

雷雨

三官廟

屬壇

梁河

梁河

梁河

石山

石山

石山

石山

石山

石山

石山

石山

石山

石山

石山

石山

鐵嶺縣志輿圖


東至老古洞一百十里


馬

二



縣治圖





鐵嶺縣志輿圖

四

三

在東京大
日本國
大從國
查所實

鐵嶺縣志圖終

鐵嶺縣志卷上

建置志

城池 驛站

公廨 倉庫

壇壝 養濟院

祠廟 麗譙



按遼東舊志古鐵嶺城在今治東南五百里地接高麗界明洪武二十一年即彼地為衛二十六年移衛於此即古銀州地也在遼河東挹婁北即今懿路古挹婁國也太祖龍興之初兵入殘毀抵今六十年所矣世祖誕膺大命混一區寓從龍甲士率入京師其畱業於此者各旗菓戶外千百餘家耳

鐵嶺縣志

卷上

一

今上三年改為鐵嶺縣固未有一民也陞任胡令至始漸招徠

廟堂之上設計區畫以成今治覽於前古盛衰倚伏之故百世可知茲其隆隆欲起之時矣耕桑禮樂以屏護

陵寢藩蔽盛京則磐石之基也志建置

城池

東西二百十七丈九尺南北一百八十六丈五尺四週共八百零八丈五尺門四東西相直南

畧倚東北視南又東甃磚缺剝睥睨無存頽然
一垣可禦牛馬耳今蒙古內附誠可無憂然折
柳之樊未嘗無也乙卯春亦小有蠢動其徵已
賴
廟堂之上先事伐謀旋就殲滅然既濟之衣裯可
忘備乎易曰王公設險以守其國天險則山河
是已欲以設險非高城深池奚道之由也民力
不能

國家方在用兵豈暇及此待海宇肅清却戎馬以

鐵嶺縣志

卷上

二

糞者

廟堂或未能忘則將來之責也併志之

公廨

縣衙在東西門之中街北

典史廳在城東南隅皆索茅爲之

公館一在城西南隅

係流宦原任總兵王之綱廢宅陞任胡令市置

壇壝

風雲雷雨壇在南門外

社稷壇在西門外皆以春秋二仲上戊日致祭

厲壇在北門外每歲以清明及七月十五日十月朔日祭之

祠廟

傳曰國之大事在祀與戎寥寥數民卽戎非所及已神妙萬物無所不之記所謂使天下之人齊明盛服以承祭祀者是也鐵嶺雖小有民人焉有社稷焉上丁土戊以至春祈秋報水旱疾疫致禱之事志其所有志其所宜先本城次竟內凡有大祠廟洎寺院觀宇併志之

文廟

草創伊始未遑建立今暫設先師主及四配十哲各主併東西廡從祀諸賢總置二主於銀岡書院春秋二仲上丁致祭以待特建殿宇所謂志其所宜者莫大於此

關帝廟

廟建東門內鼓樓迤西街北正殿三楹重軒三楹鐘鼓樓各一廂室各三間以居羽士臨街門樓三間中直神路爲正門旁塑神馬左右廟墻

復爲兩角門樓中橫板歲時響獻梨園子弟歌舞其上焉碑文附

重修關帝廟碑

媯川賈弘文

本縣知縣

惟

帝大節正氣垂之竹帛昭於萬古薄海內外咸尊崇敬事之故廟貌徧寰宇千百年來血食未已也鐵嶺古銀州地先是土人卽廢基設廟西門外規制陘隘康熙癸卯歲王公之綱孫公楨倡鄉耆之趨義者共捐已貲卜地於城之中央東西

鐵嶺縣志

卷上

四

廣九丈南北袤三十丈今宏殿也中建大殿三間妥神居也綵繪棟宇彰事跡美瞻仰也外聯拜庭三間使淺邃肅趨踰也左右各建樓一座懸鐘鼓也前建大門馬殿戲樓三間旁啓角門尊中路時至禋祀獻戲以侑神也後建廊房六間俾司香者供灑掃事啓閉也規制巍麗錯采煥然稱勝槩矣嗚呼以

帝之威靈赫赫在天固不以是爲隆汚而人心樂赴有不能已者但時詘財匱歷十有餘載始克告

竣嗣是保境佑民鞏

皇圖於萬禩者端在乎斯矣若踵事增華尚有異於後之人云是爲記

城隍廟

在西門內街北正殿三楹今見在增修寢殿三楹重軒三楹左右兩廊中門兩旁角門大門有奉天府尹王 鐵嶺縣知縣賈 先後爲文記其事文附

重修鐵嶺縣城隍廟記

文安王胤祚

鐵嶺縣志

卷上

五

先是鐵嶺令以修建廟宇之文驛聞之時康熙八年八月之十九日也邑舊爲衛荒廢者五十年土人指點其地曰此城隍廟也鞠爲茂草曷修之余復其文曰如議速行要在不擾民間爲善耳功旣成神有寧宇矣鐵嶺令又以文驛國之則康熙九年二月之三日也正殿三間土地祠一大門南北長二十五丈東西七丈六尺經營於去歲之秋斷手於今春之仲無後前人無廢後觀照舊制也又曰有司分內耳其何敢言

功至於助義而尚善者不可不圖其勞也余則以爲令總之者爾非募緣人役將何所勸勉焉非輸助各官將何所取資焉非輸助舊人暨衆民將何所庀工而度財焉倡義緣於衆人廟貌新於一旦謀所以不朽者其不可以已也余於是而更有所感矣夫邑令治明者也城隍治幽者也自

天子治都與外之府州縣罔不崇焉攷太常誌有之
凡春秋

郊廟日月帝王先師後三日復遣堂上官恭代行禮是日也東嶽之祠與壯繆之祠皆與焉而首重者曰都城隍大典煌煌蓋有年所矣今夫世人亦求福之爲耳是以廟貌有雄而毅黜而碩者則曰將軍有溫而愿哲而少者則曰某郎其居處敞之以庭堂峻之以階級其祭祀則椎牛擊豕魚菽牲酒缺於家可也缺於神則不可夫遵朝廷之祀典所以順雨暘禦災患以視夫祀無名之土木者何如也不寧惟是甚有媪而修飭者則

曰姥有婦而矜麗者則曰姑堂構之壯也禱祀之豐也衆之力樂爲竭也一朝懈怠禍亦隨作耄孺畜牧慄慄然疾病死喪不日適丁其時而自惑其生悉歸之於神夫舍不易之典而邀媚淫祠又爽徵應之理如是其可乎哉鐵嶺之士若民其稟法度有然矣其敬鬼神有然矣則道義修明絃誦丕作家給戶足禎祥畢臻又皆其可以環至而立效者也余老且病縻於茲三載不能引去然睹善事一若慄一若驚惻則喜其

善之旣著也驚則駭其事之如創也余與令皆借是以少道神人之恫是不可不爲之記也

增修城隍廟記

媯川賈弘文

按祀典所載曰禦災捍患勤事定國此皆以其神食報於一方者也若夫人倫之至歷代師承晉天率土春秋匪懈則吾夫子至薄海內外家尸戶祝則惟闕聖城隍之稱於義無攷易泰之上六曰城復于隍或卽其義之所自起乎然以城隍稱神盡郡國州邑皆有廟祀固未悉其所

由昉也鐵嶺城隍廟建於康熙八年京兆尹
王公爲文紀其事勒於貞珉亦旣詳且盡矣顧
止正殿三楹耳余蒞茲土三年於茲每朔望禮
神周迴審視因思埽地祭天於其質也至嶽瀆
諸神凡祀典所宜者則皆殿庭廊廡椽桷几筵
歲時饗獻刲羊豕陳籩豆澗溪沼沚之毛蘋蘩
蒹藻之菜左右芼之以羞於鬼神凡皆以人道
事之也然則圖其所應有而增其所未備顧容
緩歟乃謀諸紳士之隸籍茲土與里民之好義

者議建後寢前軒左右廊中門兩角門大門繚
以周垣期以次第畢工而廟制備諸若此者
雖人意爲之而卽神使之也蓋禍福之說不可
惑志於其事而其理則不可不明積善之家必
有餘慶積不善之家必有餘殃此其見於易者
也作善降之百祥不善降之百殃此其見於書
者也祀事孔明介爾景福此其見於詩者也儒
者好言無鬼神阮瞻之流耳旣醉備五福其永
錫祚胤景命有僕則尸傳神意以嘏主人者也

易曰知鬼神之情狀有情有狀則固可以人意
得今之圖所應有增所未備則神之使之豈必
耳提面命也哉易又曰先王以神道設教亦卽
此福善禍淫之理耳故官職明神職幽一邑如
是天下亦如是道德英爽上下同流凡以遵天
下於爲善去惡之歸俾

皇祚昌隆景運休嘉豈不懿哉工既竣礮石以記其
事凡有事於茲役者皆列名於碑之陰

火神廟

攷史顓頊命火正黎司地以屬民火爲土母固
其宜也火無形麗於物而爲形燎原乃不可嚮
邇比其熄則物各爲物而火還於空幽風云七
月流火註云火大火心星也醫家以五臟配五
行亦謂心爲火則火固通於神明者也火爲六
府之一上古時已有火正則火之有神當自有
天地以來有之匪云誣矣鐵嶺以殘毀舊地設
立縣治衙宇民舍皆苦茅爲之近始有爲瓦屋
者千百之什一耳先是鬱攸不戢延燒數十家

黎民懼焉昔者孔子在陳而知魯廟之災國僑相鄭而詳備火之法夫孔子之所知者天道也國僑之所詳者人事也其言曰具畚揭儲綆缶撤小屋塗大屋窮民苦力結茆纔蔽風雨撤豈易言城中汲井不數塗之亦已難矣然則設建神廟歲時禮之以求無咎固非不經之祀也廟制正殿三楹西廂室二間司香燈者居之前爲門在南門內街東南向康熙七年建周垣待修

子孫聖母庵

子於十二辰爲首白虎通曰子孳也故人之所生爲子子之子爲孫東嶽七十二司有子孫聖母今庵在西門迤南卽民房數間中一間塑神像右比丘尼居之左年老夫婦或卽見在一間量高三二尺易之以瓦猶稍成規制邑之好義者獨無動心於此乎

龍母廟

在城東南隅甜水井迤北廟宇一間臺高二尺

許週圍爲短垣花磚甃之康熙十二年建

七聖祠

一楹在南門內迤北街西南向以祀土地山神
路神及田祖諸神前爲戲臺覆以茅順治十年
建葢邑之有神祠無先於此者

圓通寺

在城西北隅有浮圖十三級二十里外可望而
見之前爲佛殿三楹又前爲韋馱殿一楹與佛
殿對又前爲天王殿三間中卽山門左右爲四

鐵嶺縣志

卷上

七

天王兩廂爲僧舍舊碑二一明天順六年一萬
曆二十三年崇德八年

太宗皇帝勅賜銀五十兩碑文附識于左

銀州重修圓通寺記

佛教入中國自漢以來然矣上自公卿士夫下
逮黎庶罔不尊禮之以其能作禍福報稱人善
惡謂此生之貧富貴賤壽夭皆夙生所爲理不
必有徵然足以化愚使之畏禍嚮福不謂無功
至於陰翊皇祚其用歸於永長悠久如陰陽寒

暑晝夜往來循環無窮始終無盡以是而致其
愛君祝國之誠則士大夫固宜崇之所謂見有
禮於其君者事之如孝子之養父母也是以琳
宮梵剎所在皆然夫豈無由哉國朝洪武二十
三年始成銀州之域置鐵嶺衛舊有剎在城西
北隅歲久頽廢宣德三年指揮施興始因其舊
垣而宮之名圓通寺正統三年都指揮使康福
指揮李俊張忭繼修葺之景泰之初今都指揮
使孫璟偕指揮同知王斌復增新之至天順初

祠佛棲僧之具凡所宜有者咸備克稱祝釐之
所旣成孫王二公偕住持僧圓全來謁求爲記
遂如右天順六年九月勅放歸田七十八畝芳
洲居士廬陵陳循德遵甫記

銀州重修圓通寺記

夫佛所從來遠矣典於漢傳於唐而尤莫盛於
我朝明興垂三百年兩都人士及天下郡國無
論一二好修小民奉佛尊經者不乏卽縉紳大
夫勲庸世胄之家靡不潔奉侈祀惟佛教之爲

兢兢蓋其道原分吾儒之餘派而護國佑民皆是物耳談者不得其解至抗其說而與彼角又其悖以奉佛之心毀佛尊經之心叛經舛亦甚矣吾郡先民當洪武初建圓通寺於城迤西構正殿五楹立佛像三尊東列伽藍西列祖師而前則有四天王一時廟貌森嚴佛光炳燿蓋犁然具矣浸淫至正統年間稍稍修葺而猶未修也迄於今而棟宇朽壞殿舍傾頽佛像塵蒙金身露處有識者莫不惘然而竟不能爲佛出一

力以光大之乃寧遠伯李 輕財好施暨弟原任總兵李成材共興善念隨約善人陶法明及境內助緣士夫若干人同襄厥事或出資或出粟或出物料各有差計晷課工歷五年而功始落成焉俾廟貌重新佛光再照纖毫皆李氏力也佛量無私得無鑒之蒼蒼而報之冥冥者乎余雅不言佛然躬遇茲舉則擊節嘆曰此亦足以彰盛美而表鄉閭者也於是爲文以揚李氏之美用垂不朽以勵世風云萬曆二十三年歲

在乙未太學生高崇文恭撰

三官廟

廟建北門外里許碑刻具載舊制久成殘毀今正殿三楹以祀三官前數武爲上帝廟蓋居人掘土得神像僅存其首治銅以成者土人以木貫神像首卓於其地原任總兵王之綱見之惻然謀於同志爲神座塑成神像顏以丹碧初爲蓆殿繼覆以茅今瓦殿小三楹并塑站神廟制儼然率離逃爾土者之爲也舊碑二一泐剝不可辨一如左

銀州重建三官廟記

天生地成六一合而水用具此三官命名之原也如道藏等經所載姓氏龍女及三元下察之說荒謬難詰然賜福解厄等語與祀典禦災捍患之意合故廟貌徧寰宇至今血食未艾也鐵嶺古銀州地成化丁巳建廟於城北之柴河祀必用渡父老苦之質諸堪輿家以乾河厥土攸宜顧時詘無當其事者嘉靖壬戌今太保寧遠

李公初視衛篆卽欲建如前議時兵戈倥傯僅仍舊貫湫隘雨汪半人浸沒積歲漸頽圯矣萬曆丁卯公提兵北征過而增喟謂不足妥神明肅禋祀也乃大捐俸金付致仕叅戎宿君名仰辰者總其事宿君雅有重望復倡鄉耆之趨義者增庫爲隆拓隘就爽東西廣十丈南北袤二十二丈臺增八尺有竒周圍以磚鱗砌中建神殿三間稍前建拜亭三間左右廊六間又前過庭三間鐘鼓樓各一座兩旁俱啓角門以尊中

也復建住房三間俾司香者掌啓閉闕其規制揖如拱秩如序凡詹牙疊澀丹堊塗護咸輝煌錯彩巍然標勝槩矣嗚呼天地純淑之氣融結於山川者恆有待而興銀州稱雄於遼千百年蘊竒抱秀乃儲精於寧遠公無論勲業燁赫爲名將第一卽此廟阨阨二百餘年亦藉公而顯明昌熾豈偶然哉大約純淑之氣鍾於神則爲威靈爲感應以食報於一方鍾於人則爲豪傑爲英雄以垂芳於萬禩故通三才之說者可以

悉三元之情狀矣公重厥役乃以廟狀示趙子
趙子既紀其大畧如前復爲迎送神辭三章俾
致祀者歌以侑觴辭曰靈連蜷兮雲中森森森
兮龍宮橫九垓兮極目望夫君兮焉窮射紫壇
兮桂棟嗽桂椒兮蕙肴充

右迎神

揚玉抱兮拊鼓壯瑤篴兮銅鍾靈偃蹇兮夷猶
亘天路兮駕飛龍役百靈兮橫地軸輳靈類兮
媵從并欣欣兮姣服謇將懽兮紛來同

鐵嶺縣志

卷上

十六

右降神

靈皇皇兮既留炎高舉兮雲旒若雨暘兮盪氛
稜奠厥居兮田疇道百川兮不波福無極兮銀
州

右送神

萬曆十年歲次壬午秋八月吉旦賜進士奉政
大夫奉勅總理遼東糧儲兼理屯種戶部郎中
柏鄉趙惟卿撰

慈清寺

縣治東門外二里許山巔舊有三清觀以住羽
流後爲僧居久旣傾圯因改建佛殿三楹上供
佛有列羅漢以三清觀舊基也遂於前仍爲小
殿以奉三清因名慈清寺崇德八年金仁祥等
重修

太宗皇帝勅賜銀四十兩爲中寺柴流東來經山下
北折而西入遼水以達於海朝宗之勢儼然亦
勝觀矣

早春望龍首山

穆壇胡藥嬰

鐵嶺縣志

卷上

七

東山常在郭春日眼新開雪積嵐光暗雞晴雲氣來
乾坤匏自繫歲月髮相催寥落空藜杖無心步石苔
胡世其父母重招開原何明府並諸同人遊龍

首山

豫章戴遵先

孤城蕭索此遨遊峰立天空動遠愁黯黯榆關芳草
暮淒淒遼木荻花秋連朝載酒雙陶令幾曲狂歌半
楚囚倚杖不嫌山徑曷最從絕巘送吾眸

贈寺僧叅如

廣川董國祥

虛空不可量杖錫胡爲者山寺莽蕭蕭悲風鳴四野

逐臣此地偏佛子寧爲假贊公合秦州未必房相惹
塔影蔭清泉一鉢猶堪把

九月二日同諸友飲慈清寺山下次韻

瘦陶孫 榘

高天曠不極把酒向林阿九月黃花老秋風客思多
繫壤同野叟扣角罷商歌山水何年有英人幾見過
保安寺

在城東南三十里張家樓佛殿三間韋馱殿一
間山門三間兩廊六間庫館香積俱備天命十

鐵嶺縣志

卷上

六

年王友等重修崇德八年

太宗皇帝勅賜銀四十兩

上帝廟

城東南五十五里爲撫安堡廟建其地山門一
間韋馱殿一間佛殿三間左右廊六間上帝廟
三間僧徒二十許蓋廟係古刹緣僧居之因爲
寺制仍稱上帝廟沿其初也崇德八年

太宗皇帝勅賜銀四十兩順治五年重修巍然大刹
總無碑碣紀其事蓋此中無嫻於辭者抑以見

遼風之古穆云

湧泉寺

在縣南五十里魏臺衝地山門三間韋馱殿一間伽藍祖師殿各一間佛殿三間明萬曆三十二年李大將軍成梁修建崇德八年

太宗皇帝勅賜銀四十兩

太安寺

在縣南三十里殷家屯山門三間中殿三間佛殿三間左右廊六間僧居香積俱備明萬曆二

鐵嶺縣志

卷上

九

十二年土人李朝住等修建崇德八年

太宗皇帝勅賜銀二十兩

地藏寺

在縣南三十里汎河城山門一間韋馱殿一間佛殿三間左右廊十間僧居備崇德五年本寺僧郭寬禮等重修崇德八年

太宗皇帝勅賜銀四十兩

地藏寺

在縣西南六十里懿路城山門一間韋馱殿一

間佛殿三間東西廊各三間香積備古刹也崇德三年本城人鄧世科等重修崇德八年

太宗皇帝勅賜銀四十兩

龍泉寺

在城東三十里宿老屯山門一間天王殿三間韋馱殿一間佛殿三間僧居備崇德八年

太宗皇帝勅賜銀拾兩

大安寺

在城東四十里崔公堡山門三間韋馱殿一間

鐵嶺縣志

卷上

三

佛殿三間觀音殿三間僧居備天命六年居人李養忠等修建崇德八年

太宗皇帝勅賜銀四十兩

朝陽寺

在城東南五十里酪瓢屯明萬曆三十九年本屯人金得友等修建崇德八年

太宗皇帝勅賜銀四十兩佛殿三間山門韋馱殿兩廊康熙二年毀於回祿

保安寺

山門一間韋馱殿一間佛殿三間僧徒近二十
許庫館香積之屬備焉在縣東南五十里花豹
衝天命十年土人李有福張國忠等修建崇德
八年

太宗皇帝勅賜銀二十兩

興隆寺

在縣東南三岔堡以何時建不可攷先在堡東
關外崇德八年

太宗皇帝曾賜銀四十兩順治九年頽於馮夷本堡

鐵嶺縣志

卷上

三

人銀國輔等移建堡內山門一間別爲角門一
間韋馱殿一間佛殿三間僧寮備

永興寺

寺建縣治西南六十里懿路城明洪武初刱建
萬曆四年岳惠住王公沛重修崇德八年

太宗皇帝勅賜銀四十兩山門一間佛殿三間僧舍
具備

延壽寺

在城西王千總堡山門三間韋馱殿三間佛殿

三間伽藍殿一間火神殿一間僧舍備崇德八年戶部英 置僧修建是年

太宗皇帝勅賜銀十兩

慈壽寺

在縣西北趙家堡山門一間韋馱殿一間佛殿
三間火神廟一間僧居備崇德八年戶部英
置僧修建是年

太宗皇帝勅賜銀十兩

保安寺

鐵嶺縣志

卷上

三

在城東十里熊管屯明萬曆間創建崇德八年
太宗皇帝勅賜銀十兩山門一間韋馱殿一間佛殿
三間僧房六間

慈胤菴

在縣西南懿路城崇德八年本城人鄧科周名
望等重修山門一間韋馱殿一間佛殿三間淨
室備比丘尼居之

永寧菴

在縣西南三十里汎河城明萬曆八年本菴尼

妙安修建天命乙丑本菴尼普會重修山門一間韋馱殿一間伽藍殿一間佛殿三間淨室備
火神廟

在城東三十里宿老屯廟門三間正殿三間道院三十四間明萬曆十四年建崇德八年

太宗皇帝勅賜銀二十兩

上帝廟

在縣治西南汎河城明正統間創建隆萬間李時羽顧達重修廟門一間正殿五間道院具備

鐵嶺縣志

卷上

三

崇德八年

太宗皇帝勅賜銀四十兩

上帝廟

在縣治西南懿路城明弘治間建嘉隆間本城人徐澤等重修崇德八年

太宗皇帝勅賜銀四十兩廟門一間正殿三間後殿五間道院備

城隍廟

在縣治西南懿路城古刹也按遼東舊志城設

備禦都司二千戶所界藩鐵二衛之中居然一鎮則有城隍廟宜矣明萬曆八年僧高性全民人侯仲金等重修崇德八年

太宗皇帝勅賜銀二十兩廟門一間正殿三間香火室三間今住羽流

子孫聖母廟

在懿路城廟門一間正殿三間鍊室四間係古剎崇德八年

太宗皇帝勅賜銀四十兩人之生子謂之漆丁華封

鐵嶺縣志

卷上

二

三祝亦曰多男子子孫孫勿替引之俾士卒克斤以壯

國家赫聲濯靈之治未必無幽贊之功也

關梁

關以譏梁以濟故宜志也天下山河阨塞之處卽設關其大者已下至府鎮州邑郭門之內皆以關稱卽易重門擊柝以待暴客之義也地不能百里無河徒涉爲病歲十一月徒杠成十二月與梁城王政之大者可無念旃

按遼東舊志山頭關在三萬衛南六十里應在鐵嶺境內其地不可攷矣順治十五六年城北二十里許地名三道舖猶設小關以柵欄爲門東至東山西抵廣寧一帶皆折柳樊之或卽山頭關舊地不可知康熙十年間移置開原北

汎河橋

汎河南一里

小橋

汎河南三里

清河橋

懿路南關

柴河橋

鐵嶺北三里

遼海橋

鐵嶺南十五里

周勝橋

鐵嶺北十里

右皆舊志所載今無存橋甃石則難木易耳農

鐵嶺縣志

卷上

三

隙入山採伐貯以處所秋杪成夏中卸亦易爲之事而便於道途者在地方官司審時量力設誠致行耳

驛站

舊志巽州驛在城西關地基無考康熙九年設站於汎河東里許爲汎河站南至奉天府北至開原站戶耑設於邑民無預然在縣治境內故志之

倉庫

國以民爲天民以食爲天勸農積穀卽所謂知天之天也按遼東舊志鐵嶺有預備倉錢帛庫殘毀已久無可稽矣民人無幾俱非蒙業而安者晨夕之弗給而欲爲餘三餘九之計其將能乎無以則視其時之可爲先相地建倉廩一區庫則設於縣衙宜爲 龍旂一二隊無事貯庫元旦長至

萬壽節 龍亭旣設列 龍旂於前以昭 天威咫尺之義亦不可少也大有年可令丁出粟一斗

鐵嶺縣志

卷上

三六

漸而積之貯倉以備凶札古人社倉常平倉之法皆可師其意而行之設誠難耳此地不通舟楫人無儲胥一遭荒歉非其任矣天災流行何代無之堯水湯旱而民不爲病以有備也易曰君子以思患而豫防之孔子曰好謀而成此則所謂豫也此則所謂謀也

養濟院

各處俱設俱有額設錢糧亦率故事行之然立法之意則不可無濼惟也鐵嶺草創伊始自不

遑及卽以見在情事論之此中寥寥數民或應
招而至食二三十金之利以輕去其鄉或事千
文網以致離逃爾土皆非有親族可依者壯能
自食其力至衰老無子饑寒切於其身日擊之
而不爲之所或亦非人情乎鰥寡孤獨爲天下
之窮民發政施仁必先斯四者豈獨文王宜然
哉志之以及時修舉或非急其所緩也

麗譙

譙樓之設所以肅瞻視一聽聞也邑東西大街

鐵嶺縣志

卷上

七

直北門處尚有譙樓舊基四達之券猶存而樓
則蕩然矣若諸務漸以就緒者繕修亦自有時
耳

疆域志

山川
古蹟

村落

物產

市集

東至老古洞南至懿路西至遼河舊邊西南至
小河口北至三通舖此鐵嶺境界也按虞書舜
肇十有二州爲營州之域天官書二十八舍直
十二州不及遼東攷周禮註疏謂箕與南斗相
近爲遼水之陽盡朝鮮三韓之地則此地當爲

箕分野自秦漢以至元明建置不同事宜亦異

太祖荒度肇基

太宗經營締造開天之業實始於此

世祖發祥奉天以奄有九有山川猶昔而王氣所鍾

蓄極而發萬年不拔之基根本托焉可易視乎

詩曰普天之下莫非王土畫疆而理則官司之

責也志疆域

山川

龍首山

城東二里詳舊志上有龍王堂即三清觀北山也或迤邐而南俱稱龍首山云

鐵嶺縣志

卷上

二十六

駐蹕山

舊為水口山康熙十年上謁
陵畢乘便校獵以周覽形勝
駕旋

過鐵嶺入北門出南門時大雨淋漓菓園馬文
通新室成上駐蹕其中尚食行賞銀十兩

西名為帽峰山

城南十里大馬山

三十里小平山

城南五里寒坡嶺

十里東塔山

城東二里松山

平頂山

城西北十里虎頭山

兒山

城西南六十里塔兒山

城西北十里苦茅山

城西北三十里保山

山

去本城五里上有古塔下有仙洞柴河

城北二里源出城東泚河東

由城西北西
入遼河
汎河
城西南三十里源出松山東諸山
遼小清河
城西南六十里源出歸德州南山西流
經懿路城南流入遼河歸德州今不
設凌湖
城北二十里
宋家泊
城西十里
月湖
城西八里
鴛鴦湖
城西三十里
蛤蜊河
城西六十里

村落

居民鮮少城內外及附近數處約畧可盡惟南
赴奉天府沿途仍有三四處其餘則皆旗下舊
人居之然在邦域之中不容不併志也

東菓園
距城一里
熊管屯
距城十里
宿老屯
距城三十里

鐵嶺縣志

卷上

三

柴河堡
距城六十里
白子峪
距城七十五里
一面城

距城八十里
冷哥郎寨
距城九十里
小寨子
距城十五里

飛地裏
距城百十里
曾家寨
距城百十里
黃旗寨
距城一百一十里

藍旗寨
距城百二十里

以上十二屯堡係城東

南菓園
距城一里
顧官屯
距城二十里
屠家樓
距城二十里

黍鴨子屯
距城二十里
張家樓
距城三十里
殷

家屯
距城三十里
徐千戶屯
距城五里
崔公堡
距城

四十里
瓢酪屯
距城五十里
魏臺衝
距城五十里
花

豹衝距城五十里 山石小屯距城五十里 撫安堡距城

五十五里 旗下 大甸子距城六十里 旗下 牧牙正距城六十里 旗下 高

麗營距城六十里 旗下 當舖裏距城七十里 旗下

以上十七屯堡係城東南

八里莊距城八里 人 遼海屯距城十五里 民 人 站裏距城二十九里

旗下 新屯距城三十里 旗下 范家屯距城三十里 民 人 石山距城四十

三里 旗下 懿路距城六十里 旗下 民 人 間居

以上七莊屯係城南

教場距城二里 民 人 三臺子距城十二里 民 人 薪典舖距城十五里 旗

鐵嶺縣志

卷上

下 曾十堡距城二十里 旗下 老河灣距城三十里 旗下 泚河距

三十里 旗下 城南舖距城三十里 旗下 腰舖裏距城四十里 民 人 土

城子距城三十里 民 人 陽和樓距城三十里 旗下 小豬兒山距

四十里 旗下 大豬兒山距城四十里 旗下 鷹手屯距城四十里 旗下

宋家泡距城四十里 旗下 瑣柰街距城五十里 旗下 丁字泡距

四十五里 旗下 康家屯距城五十里 旗下 八里莊距城五十里 旗下 鮑

家岡距城六十里 旗下 小河口距城七十里 旗下

以上二十莊屯係城西南

馬逢溝距城五里 民 人 河西莊距城七里 民 人 紅崖嘴距城二十里 旗

下

以上三莊屯係城西

柴河涯

距城三里旗下

奚家莊

距城七里旗下

賀家屯

距城十里旗

下營守堡

距城二十里旗下

吳高麗屯

距城二十里旗下

以上五莊屯係城西北

頭臺子

距城五里民人

高麗屯

距城十里旗下

平定舖

距城十五里旗

下舊邊門

距城十八里旗下

三道舖

距城二十里旗下

以上五莊屯係城北

遞運所

距城五里旗下

椴木嶺

距城十五里旗下

養猪溝

距城二十里

鐵嶺縣志

卷上

三

里旗下

紅草石

距城三十里旗下

以上四莊屯係城東北

物產

以穀計者曰

黍 稷

稻

粱

粟

蜀秫

黃豆

黑豆

菜豆

豌豆

蠶豆

豇豆

小豆

大麥

小麥

蕎麥

芝蔴

蘇子

薏苡

以蔬計者曰

葱 韭

蒜

茄

莧

芹

蕨

白菜

芥

菜 蒿苳 菠菱 苧蒿 胡荻 蒼蓬 蓼
芽 蘿葦 胡蘿葦 水蘿葦 苦蕒 磨菇
小茴香 薄荷 萹蒿 瓠 葫蘆 明葉菜
匾豆角 菜豆角 山藥

以蕊計者曰

黃瓜 冬瓜 西瓜 南瓜 倭瓜 甜瓜
香瓜 稍瓜 醋甯 圓黃瓜

以菓計者曰

榛 桃 李 杏 櫻桃 郁李 葡萄 山

梨紅 花紅 石榴 無花果
以木計者曰

榆 槐 椴 桑 柳 橡 檉 柞 青楊
檇 梓 榮華 明開夜合

以花計者曰

芍藥 丁香 鳳仙 金盞 罌粟 石竹
玫瑰 山丹 菊 蜀葵 水紅花 葵花
雞冠 玉簪 金簪 蓮 秋海棠
以藥計者曰

五味 細辛 芍藥 柴胡 荆芥 防風
蒼朮 藁本 瞿麥 苦參 麻黃 牽牛
黃精 車前子 大力子 桑白皮 茵陳
益母草 紫草 薏苡仁 艾實 地膚子
管仲 鼈甲 鹿茸 香附 蒼耳子 紫蘇
地骨皮 山查

以用物計者曰

綿花 紅花 靛 線麻 縲麻 白蠟

右鐵嶺所產與近處大畧相同所以備書者以

鐵嶺縣志

卷上

三

見諸物粗具未可以邊荒視也

市集

黃帝日中爲市懋遷有無化居虞夏以來已然
矣曹參曰市者所以併容慎無擾也周禮小司
徒之職於市肆最詳有質人廛人司覈司稽之
設皆以士爲之抑其慎矣名相近者相遠實相
近者相邇亦不遑理徵貴徵賤任其自然或求
壟斷而登之所弗問也

逢三北街

逢六西街

逢九東街

古蹟

看花樓

在東門外明萬曆間大帥李成梁故園上宇中橫板蕩然矣四壁矗立猶自堅

好下基石數層細礮方裁一石額門上壁間橫尺許縱可倍質紫而文黝梅榦儼然亦一

奇也

李將軍看花樓

萊海左懋泰

露泣百花明殘樓傍故城壁穿餘火色礎潤無雲生

草暗將軍樹荒傳君子營當年問絃管夜月走鼙鼙

異石二絕

吳宮麋鹿走西子尚凭欄不逐五湖去浣紗溪自寒

鐵嶺縣志

卷上

三

預知百卉盡寄影紫雲英天外無幽草梅花結古盟

東山小古城

城東一百里

城南小古城

城南五里

汎河小古城

鐵嶺城西南十五里

唐王營

在帽峯山東南寬平如掌四週畧有遺趾後倚山前有細流滌澗如帶相傳唐

太宗征高麗安營於此

寧遠伯李大將軍墓

在城東南屠家樓翁仲石馬儼然在列

金侍郎墓

在城東北椴木嶺有守塚人役

志古蹟者何志時爾觀古可以知今卽監於有

夏監於有殷之意也當時經營拮据不謂匪勞
而衰草寒烟供今人之憑弔矣有官君子各務
生聚教訓以鞏基圖於無疆可無念歟

卷上
三五

鐵嶺縣志卷上終

鐵嶺縣志

卷上

三五



鐵嶺縣志卷下

田賦志 丁糧

徭役

雜稅



在北京大
日本得圖
大使館
查所資料室

賦者征於下之名古者謂兵為賦春秋傳恆云
悉索敝賦周禮之所謂可任也者皆是矣
本朝兵皆八旗於百姓無涉要計畝輸租以供軍
需古今一也鐵嶺立縣未久墾田固自無多然
國課所關以田以賦釐毫皆有所歸雖漸艱漸增
見在則眉列版章也志田賦

丁糧

鐵嶺縣志

卷下

一

計丁二千一百零六名每丁徵銀一錢五分每
年徵銀三百十五兩九錢

計地三百七十九頃三十八畝一分每畝徵銀
三分每年徵銀一千一百三十八兩一錢四分
三釐

合丁糧二項共銀一千四百五十兩零四分兩
限徵解

徭役

縣治初立無他徭役康熙十一年盛京戶部提

縣民六名充遼河水手十三年鎮守奉天副都
統撥夫二十名充柴河涯水手十四年盛京工
部撥夫十三名充窪紅木水手十二名充木其
河水手俱係一時權宜非本縣定差也又分修
本府糧廳衙宇亦圯敝始葺非歲一舉行者併
志之

雜稅

驢騾牛猪之市易者每兩納稅銀三分斗秤各
牙行 本府糧廳給帖季一易之每帖按季納

鐵嶺縣志

卷下

二

銀三錢計帖十八張每一年共納稅銀二十一
兩六錢其驢騾等稅銀無定額多寡隨帖銀按
季解 糧廳

戶口志

里社

風俗

孝義

國以人爲重人不必聖賢卿尹也卽此林林總
總者而上天之視聽屬焉周禮大司寇孟冬祀
司民獻民數於王王拜受之以圖國用蓋敬民
所以敬天也書曰民非后罔戴后非民罔以辟
四方衛文之廬漕也男女七百人季乃三千人

無他撫字之愛養之耳今之邑長吏卽古諸侯
毋易茲天下之爲令者皆拊循其民以慎守厥
職可以致主於三代之隆也志戶口

計戶一千八百二十九

計口五千三百二十九

里社

居民皆有版籍南方以都以圖北以里社皆鄉
貫也然光王立法則有深意古者有國社有鄉
社直父冢土亦其一矣哀公問主於宰我宰我

對曰夏后氏以松殷人以栢周人以栗註云古
者立社必樹其土之所宜木以爲主下至里閭
春祈秋報介稷黍穀士女皆是物也今之里社
圖籍焉耳不復知其義矣各社列志如左

常盛社

安豐社

新興社

繁裕社

奉化社

仁美社

常益社

阜樂社

保寧社

淳安社

歸善社

和濟社

綏懷社

長善社

慶成社

廣惠社

作新社

新恩社

錫福社

履太社

風俗

民非土著之舊五方雜處幾盡海內之人而有之性情不同習尚亦異其勤儉作家十不二三率爲朶頤計耳奢則不能鶉結自甘而思以腴於口里鄙比居意有弗適則勃谿相向非漸染於詩書未可易也文翁化蜀治遂擬於鄒魯不其徵歟然則移風易俗使之興行於禮義非歲月之功也

孝義

鐵嶺縣志

卷下

四

故事孝子節婦觀風者得於採訪卽具疏上聞奉有

俞旨有司官爲表厥宅里今觀風不行二三窮民亦未有勝此者欲以廣教化美風俗則事屬宜舉因志之待其人而後行若遼東舊志所有則不敢沒也

孝子

邵義

懿路人未婚父母皆亡義竭力殯葬廬墓三年鄉人憫其孝勸之婚親迎畢不入室

復廬於墓

節婦

楊氏

鐵嶺衛人顧澄妻澄故遺腹三月產一男誓不二適甘貧撫孤成立年七十九卒

學校志

選舉
鄉飲

書院

名宦

鄉賢

子興氏曰設為庠序學校以教之有虞氏養國老於上庠養庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠養老者所以教孝也遼東舊志以明嘉靖十六年重修卽云儒學無考查城北三官廟碑乃載儒

鐵嶺縣志

卷下

五

學教授之名則萬歷十年也其云無考或裁設隨時或修志者偶疎皆不可知今博士弟子纔四人以武稱者亦四人皆隸於奉天儒學異時文教蔚起彬彬然質有其文武者

國家當有專官則學宮之設建官而後可議也志
學校

選舉

舜有天下選於衆舉臯陶湯有天下選於衆舉伊尹則選舉之典自上世已然矣周禮以鄉三

物教萬民而賓興之以其賢者能者獻於王王
拜受之登於天府蓋其重也漢之賢良方正猶
爲近古然入則滋僞唐宋以來科目繁雜明乃
專主文武二科至今沿之其立功揚名垂於竹
帛者亦選選卽出其中蓋法無可變拔十得五
耳鐵嶺爲東北天維罕事詩書終明之世科目
鮮少

本朝應運而興自立縣至今棧鄉闡者文武遂有
三人接武尙未可量應斯舉者其務濯磨奮勵

以無負

國家所以求賢之意歟

文舉人

王道典

康熙丙午科

武舉人

李霖

康熙丙午科

張壺

康熙壬子科

書院

理學盛於宋故書院之設往往有之相沿至今

不廢孔子亦云學之不講是吾憂也其始一二
賢者思以昌明聖學時望旣隆不無附之以爲
進身之階者故東村之名數百年未艾不第洛
蜀朔之分立一時也鐵嶺無學校而有書院蓋
侍御郝先生

賜環歸以其書室爲之者名銀岡書院卽先生題
額也廣川董子誼其事爲之記記附

銀岡書院記

銀岡書院者侍御郝復陽先生謫居書室也先

生按蜀時劉文秀爲輦先生鼓勵人心繕垣固
圉有定傾之功

世祖皇帝給欽賞先生弗受曰分也此回道考核乃
以簿書微瑕鐫職二級先生故忤於藩會五中
堂合薦而藩釁成矣先生以少年居此不甘寂
寞乃於居室之旁結茆三間圓戶亮榻顏之以
丹後植山菓十餘本築臺於中畧有園林之致
先生雖被竄逐不自暇逸時取古人之書手自
編摩繼乃一意研易於六十四卦各爲圖參伍

盡變思竟其所以然如是者二十有二年至康

熙乙卯

上乃廉其寃以原職召還於其將歸額書室之外戶
曰銀岡書院其致知格物之堂則先生原額也
董子以無事漫遊其地乃屬塾師呼諸弟子之
受書其中者而語之曰汝輩朝夕於斯亦知先
生所以名堂之意乎知者心之靈也致者推而
極之以求其無蔽也朱子卽物窮理之說象山
已有同異姚江則更非之余以爲猶方隅之見

鐵嶺縣志

卷下

八

耳如天下國家身心意皆物也誠正修齊以至
治平卽格物也五倫之內君亦物也爲臣盡忠
卽格物也親亦物也爲子盡孝卽格物也以至
失婦昆弟朋友莫不皆然記言之曰其爲物不
貳夫天地可以物言而况屬在五倫者乎此與
所謂知善知惡是良知爲善去惡是格物者又
何纖介之疑乎繇是言之不第朱興陸同姚江
與朱陸亦無不同放之南海北海亦無不同蓋
此心此理莫有外焉者矣諸士習業於此毋自

鄙薄當思所以爲忠臣爲孝子爲悌弟良友修齊誠正之事皆務實錢而體之卽治國平天下無其事而有其具庶無負先生所以名堂之意哉先生名浴字復陽別號雪海順治己丑進士鎮之中山人

附復陽先生自記

鐵嶺古銀州也浴甲午九月謫奉天戊戌五月下嶺卜築於南門之右方十許畝中爲書屋三間前有圃種蔬後有園種花左壁吾臥室也右

壁一帶皆吾友連屋而居也屋中造瓦牀一丈風月之夕吾友畢來盡登牀跌坐牀下鑽火烹茶漉酒縱談名理至夜分不散架插天下古今圖書恣吾友展玩有化人來則焚香晤對叅驗竺乘屋後一岡隱然龍臥所謂銀岡者也雨後登之見郭外群山紫翠交寫其北山綿亘西遶而東山迤邐南屬簇擁萬狀中控一背是爲鐵嶺然總雜於吾一線之銀岡殆物之有鼻祖者乎記吾岡下所種桃李皆數度開花而成實矣

所舉二三天子亦衰然冠而似丈夫矣吾歸之
歲歲德在卯西牕北有杏一株發花數十蓓如
蠟撚白梅香色雙絕而花枝婉轉皆回頸視西
是皆不足記獨念吾霜天雪夜一燈炳照大靜
之餘徹四壁於環海晤群聖於斯須截然有覺
心目爲豁於戲非吾銀岡吾安得有此一日也
非吾

至尊吾安得有此銀岡之一日也位撫銀岡留爲書
院有踵至吾岡而默識浴一日之旨者浴卽近

鐵嶺縣志

卷下

十

待於數十年遠待於千百世心皎然如一日也
是爲記

名宦

金

王伯龍

瀋州雙城人遼末聚黨爲盜天輔二年

率衆二萬及其輜重來歸授世襲猛安
知銀州後累立戰功五年投節度使克徐宿
邳三路軍馬都統敗高托山之衆十五餘萬
於清河進擊韓世忠於邳州走之渡采石擊
敗岳飛劉直路尙等兵獲芻糧數百萬計天
德三年改河中尹封廣
平郡王卒年六十五

鄉賢

明

李成梁

鐵嶺衛人寧遠伯詳見人物

名宦鄉賢皆以聖人之道治其民與淑其身者也故例建詞於孔子廟庭邑爲初立文廟未建祠亦無設畧攷前史與各志舊例爲志其所宜如右云

鄉飲

鄉飲酒之禮坐賓於西北坐介於西南主坐東南而坐僎於東北故賓主象天地介僎象陰陽

鐵嶺縣志

卷下

十一

四面之坐象四時六十三豆七十四豆八十五豆九十六豆所以明養老也故事以十月朔及正月十五日舉行皆於儒學以戴記所載鄉飲酒義篇首卽云主人迎賓於庠門之外也鄉者齊民耳而可與官長列坐此最可化俗地方無儒學故粹難舉行然必待建學而後行之或亦魯兩生之見矣銀岡書院後尙有隙地或量爲庭三楹有高年有德者照故事日期行獻酬如儀歌鹿鳴笙南陔俾荒山野草中彬彬然瞻禮

樂之化亦政教之美者也

官師志

官以政事師以教化畫而二之此季世之事也
文翁治蜀司馬相如等從之受書亦豈博士之
云乎周公制禮國用制於冢幸民數獻於司寇
其徵已鐵嶺儒學未設故無師可志官於此者
以政為教懋哉懋哉志官師

知縣

胡藥嬰

直隸贊皇人康熙三年除授十二年任承德縣知縣

鐵嶺縣志

卷下

十三

賈弘文

直隸延慶州人康熙十三年除授見任

典史

王 徹

順天人康熙三年除授十年革職

王應啓

江南亳州人康熙十年除授十五年病歿

徐元昇

祥異志

天事恆象其有災異則天心之仁愛也春秋不
為災不書梁山崩記異也大雷雨大水螽為災
也隕霜不殺菽聖人或別有指焉縣立未久若

云風不鳴條雨不破塊則諛辭矣然無大災異故不書列其款目亦志之所宜有云爾志祥異人物志

昔者子路問成人子路生春秋時得孔子爲依歸七十子之徒相與麗澤而取益焉師友一堂擬於都俞矣而獨以成人爲問豈非有慨於不成人者之多耶太上有立德其次立功其次立言有一於斯庶可以爲人不則山頭關以南挹婁以北其爲人也多矣而况兼之往代也志人

鐵嶺縣志

卷下

十三

物金

王伯龍

詳名宦

明

李成梁

鐵嶺衛人萬歷間封寧遠伯初爲鐵嶺總兵時請築寬奠等六堡爲衛甚具有

犯雜大創去比王呆誘殺裨將裴承視公與督撫張學顏鼓行而前乘勝直揭紅力砦獲牲畜無算萬歷十年掛大將軍印鎮藝古勒皆有奇功

李成材

成梁弟總兵官尙義樂施見於舊碣

流寓

王時中

山東黃縣人明正德間忤廷瑾謫成懿路後復官累遷兵部尚書

李間生

江南泰典人順治年以直言謫寓鐵嶺數載遂歿順治庚子

世祖思其言追復原官仍蔭一子入監讀書

藝文志 碑

文者載道之器也書契以還雖欲無文弗可得已或謂古質而今文是不然二典三謨光昌宏達商盤周詰佶偃聲牙古何嘗不精心於文哉此地文士故少匪今斯今碑記雜文畧識一二可以得其事詩言志可以彷彿象其性情子曰言之無文行而不遠志藝文

鐵嶺縣志

卷下

十四

碑

前屯衛佛寺碑

萊海左懋泰

衆生見佛如日衆生自見以見佛如月日之在天和煦於春炎熙於夏晶熒於秋凜冽於冬日無異也人自漸於氣化所處之候與地不同而若異焉然亦習之而不知其關且切也惟沈陰晴潦風雨霍霖經旬累月穀敗屋覆饑饉飄飆之不免始祈望呆日以爲身家存亡之寄故衆

生之見佛如之月受日以光其光常滿與日相對則望相距則弦相合則晦月無異也自人視之或見其面或見其側或見其背而若異焉然亦日聽消長而恬不省察惟晦朔之後昏黑如漆忽生線痕於坤庚之地若魂魄滌迴死而復甦見者心動以爲光明孤露之一綫故衆生之自見以見佛如之醫閭遼海當乾坤鼎革天造雷雨之會富貴貧賤經歷氣數聚散流浪空花孽果毫不自定若金在冶若土在型一聽造物

之埏鑄舉數世積累平生繫戀天盡奪之而歸於烏有衆生從身家起念者皆思旋不可常守之物以呼天呼父母之誠心而望冥祐之大力故衆生之信佛力未有如此方者則所謂積陰之日也身家旣易生死念真斷蓬浮梗霜摧雪掃或樸遯厪存或枝葉轉敷存而億亡盛而思衰創者有深痛而倖者驚後灾衆生從性命起念者多能悟不堪久住之因以夢中知夢之幻而動修省之心故衆生之近佛心亦未有如此

方者則所謂朔初之月也前屯衛舊有佛寺兵
火丘墟因成頽廢比丘某持緣募化而遠近感
應施者如鶩鳩工重造莊嚴一新誠佛力之宏
亦此方人心之所至也大來居士見聞隨喜而
說偈言

衆生見佛如見日春陽秋景無得失沈陰冥晦
爽厥常始欲拂雲抱日出衆生自見如見月光
明常在原無缺月之向背人不知生明一綫驚
奇絕日月於人何分別無所分別卽日月但願

常見如不見朝朝夜夜生佛國

永壽寺碑

董國祥

粵自經傳西竺教衍中華魏晉以還佛寺之設
盡方州有之矣

皇清之肇基茲土也以八旂治軍國比丘隸焉設官
分職僧錄俱備他旂皆有舊刹可依正黃旂乃
托鉢別寺時僧錄洪德於外攘門之西偏募構
佛殿五楹架棟伊始

太宗皇帝顧見之俾從官往視作室誰居蓋慮斯民

之有侈心也已以復命則顧喜發帑金二百兩
爲庀材鳩工之費事在天聰四年也則茲寺之
繇起誠一大勝緣矣嗣是增所應有治所欲抗
歷年以來復爲前殿三楹天王殿三楹祖師伽
藍二廂殿各三楹繚以周垣以至兩廊精舍庫
館香積之屬細大畢舉塗墍彩琢旣攻而一而蓋
煥然巨剎矣而尙無碑寺僧什仿慧光等謀所
以傳示來茲者乃因友人復陽郝子而乞言於
予予亦以復陽郝子之時停驂其地也而知什

仿蓋禪靜而有戒行者也乃爲言曰天下事莫
不有本焉有因焉所因卽其所本吾人樵薪可
爨無曰吾樵也汲水可飲無曰吾汲也皆

祖宗來艱難百戰以有之者也官分職民別業僧
亦丁男而可不思所以報

國恩乎報之云何亦行其所當然以無忘其本斯
已矣飲食衣服臥具醫藥皆可以供佛而心爲
最故繁於儀不如其潔於志也若寶鬘塵幕紺
宇喧阗而曰吾自潔吾志焉至愚知其不可矣

記之言射也曰內志正外體直比丘衆其以是爲規焉以循循於香燈汜掃梵唄晨夕之間千百劫成佛猶是也立地成佛亦猶是也行持如是行持亦忘如饑思食倦思眠是爲報佛恩是爲報

國恩庶幾哉

皇祖當日所以給賜帑金之意乎寺爲僧所僧卽是所大本在是勝因在是祝

國祚於億年佑民庶於九有豈不懿哉爰系以

鐵嶺縣志

卷下

六

辭辭曰

群山盤鬱靈鍾奉天奄宅函夏豐鎬澗瀍琳宮
碁列畫棟雕簷華燈常煜經明時宣其煜伊何
心心相傳其宣伊何無相可鐫佛日增輝

國祚永延

皇祖式靈於萬斯年

記

古洞觀音塑像記

董國祥

康熙六載九月初吉邢子環生過余爲言去此

東北約百十里爰有古洞在懸崖下洞口如戶可容二人入內未遠卽爲石室壁石隱然有鑑瓶狀西通不過十餘步止東將里許復露天光有如懸鏡前爲河流其中亂石皆爲鳥獸禽魚之形群山環繞信爲靈境余所聞者爲老虎洞不知真有古洞在彼如邢子言洞傍居人有數砦堡皆以洞名邢子頗善堪輿家言嘗遊其地云宜塑像觀音洞中居人信之卽托邢子丐余數言顏於募疏余惟世間所有一切皆人爲之

以今視昔世間所傳名蹟無數其初緣起亦復如是子厚在柳西粵山水遂著人間子瞻在惠三山井永得名惠通目今洞傍居人爲此亦有因緣不能不爾觀音靈感變化無窮安知從前無觀音者托跡洞中乃使邢子如或見之自有天地卽有此山自有此山卽有此洞洞當各古可無疑者虎之與古應是音訛洞在深山猛獸窟處其稱老虎或亦近寶爰爲作疏告諸長者隨力布金合成聖緣莊嚴妙具與天地終傳於

無盡觀音顯化至不可量不可思議降龍伏虎
猶其餘事自此以後當無虎跡可名此洞爲觀
音洞智光道人紀是事已復爲鼓舞而作偈言
行道卽是福不必富若貴與夫多子孫積善有
餘慶聖言亦如是昔佛修道時芻泥皆受報我
願當世人各各自思惟作善有利益是爲大安
樂朝廷可刑措

雜文

六經對

左懋泰

鐵嶺縣志

卷下

二十

六經非聖人爲之天地爲之也亦非天地爲之
人心爲之也易始於陰陽書始於陰陽之奇偶
詩始於陰陽之清濁春秋始於陰陽之推筭禮
始於陰陽之往來樂始於陰陽之調鬯故經一
而已而列之爲六天地之晰其數聖人之詳其
教而人心之用始盡也然易首三皇書首五帝
詩首三王春秋首五霸故易以象春書以象夏
詩以象秋春秋以象冬而禮樂無專屬古有六
代之禮亦有六代之樂先儒言六經之道同歸

而禮樂之用爲急又言聖人教人四府易書詩
春秋而禮樂污隆其間蓋四經者聖人立教之
體而禮樂治世之用不可不察也易曰上天下
澤履君子以辨上下定民志又曰雷出地奮豫
先至以作樂殷薦上帝以配祖考此易之禮樂
也書曰夙夜推寅直哉推清又曰八音克諧鳳
凰來儀此書之禮樂也詩曰奉璋峩峩髦士攸
宜又曰於論鼓鐘於樂辟雍此詩之禮樂也春
秋曰天王狩於河陽又曰初獻六羽此春秋之

禮樂也夫明於禮樂之原易最尙矣書詳於四
代詩詳於成周禮樂之升降在焉而春秋亡於
禮者之禮亡於樂者之樂也故聖人教世之心
切而於春秋爲獨深豈得已哉孔子以雅頌得
所爲樂正韓宣子見魯易象春秋謂周禮在是
明此知禮樂之在四經而四經治世之書正以
禮樂爲人用之大也世儒言六經在世如日中
天今四經具有全書獨禮樂爲不備蓋經世之
道體有方而用無窮四經者聖人已陳之數而

禮樂萬世通變於不窮神而明之存乎其人耳
禮樂莫備於成周儀禮周禮二書皆出周公今
讀儀禮十七篇雖亡缺有間而所載冠昏燕射
聘食喪祭諸儀於君臣朋友男女死生之文曲
析盡變天理微渺之極禮記雜出漢儒亦大抵
七十子之徒若高堂孟卿后蒼之倫所傳聞先
聖緒論禮家精微之旨咸在則聖人之禮經亦
未嘗亡也周禮大司樂一篇漢竇公嘗獨獻之
所載天神地祇人鬼教學賓燕軍射飲嗜考於

天地四方陰陽之聲想見聖人作樂之意劉向
得古樂書二十二篇今樂記乃斷取其十一篇
雖后夔復起論樂於君臣父子要不外是則聖
人之樂經未嘗亡也禮樂之蘊究於學士大夫
而極建於天子觀其統會以知指歸觀其致用
以知隆污雍雍在宮肅肅在廟言履爲禮行樂
爲樂在易曰元在書曰中在詩曰思無邪在春
秋曰大居正聖賢言樂必本於禮而聖學傳心
無如學庸二書其原皆載於禮記乃知樂之歸

於禮而禮之原於道也易書詩春秋具存而古禮樂不盡傳亦曰待後王之用之耳善乎漢劉向之言曰禮以養人爲本今世無臯陶之法而有司請更定至於禮樂則曰不敢是敢於殺人而不敢於養人也王者治定制禮功成作樂於易得中孚之允二於書得洪範之吹六於詩得國風之二南於春秋得於蒲之胥命禮行於豆觴樂通於擊壤本於一人之性情而形爲天下之風俗雖唐虞三代之盛何以加焉

送劉心周歸中州序

郝浴

吾道值周顯王三十三年乙酉有鄒國孟子興首嚴義利之辨覺諸侯距楊墨暨

本朝世祖皇帝順治十六年己亥輒于九百九十五年矣於漢武帝建元元年辛丑有廣川董仲舒以道爲適治之路而窮其原於天用三策以歆帝衷暨今己亥亦千七百九十九年於平帝元始五年乙丑有蜀郡楊子雲慮世趨日惑至辱其身不死作太玄法言以至理詔後世暨今己

亥亦千六百五十五年於隋高祖仁壽二年癸亥有龍門王仲淹投太平十二策不錄退修盡性知命之教於河汾暨今已亥亦千五十七年於唐憲宗元和十四年已亥有南陽韓退之諫迎佛骨手抉孟子之學憤發所向以蹴踏二氏暨今已亥亦八百四十一年於宋神宗熙寧二年已酉有河南程明道咫尺天顏獻正心窒欲之方及哲宗元祐元年丙寅又有程伊川啓沃經筵復請延天下道德之士兩賢以居敬窮理

爲斯世斯人開入德造道之門暨今已亥亦五百九十一年于光宗紹熙五年申寅有新安朱仲晦侍講煥章建極道民力整乾綱常提撕此心如日之升至今已亥亦四百六十六年於元世祖至元十七年有河內許仲平以祭酒歸家一惟致知力行躬牖學徒暨今已亥亦三百八十年於明英宗天順元年丁丑有河汾薛德温總裁天下會試以復性正學爲準至謂五經四書一性字括盡暨今已亥亦二百三年於武宗

正德十三年戊寅有餘姚王伯安智擒途藩而其學卽以良知爲宗暨今已亥亦一百四十二年浴俯仰二千年中赫赫名公卿崇至尊以福天下何慮九牛之毛而至謂修明吾孔子所傳大學之道粗不雜於五霸七雄精不詭於百家二氏將使人心人理燦然犁然得歸於大中至正而無一絲之或悖則數君子之功雖與日月爭先可也然斯傳一墜動至數千百年不得值大量者脫鍵徹鑰而升其堂其傳卒以不緒故

天下愛而悲之曰絕學顧治己亥陳留劉心周適鐵嶺卓然若有志於數君子之爲者異哉浴察其苦心極力周五寒暑不退竊壯其志而病其質至

今上康熙二年癸卯得比例西歸浴立喜其有豁然之日矣夫中州奧區也山川人物明秀萬方今一旦縱君其中請得力雪舊抱日與二三學子登嵩陽泛洛水嘲風弄月更得騎太行而摩函谷左顧伊川右睨橫渠有一日焉見此中浩浩

瀚瀚晶晶瑩瑩若大海之飛濤捲雪而輒復一
鏡萬里也然後揭廬於百泉蘇門之上危坐其
中以究數君子之用心吾兄其有入乎

銀州雪賦

郝浴

今上丙午元朔之亞浴在銀州已入春一晝二
夜矣昭融在御蒼蒼以寬奄綠江之寫空顧紫
海以迴瀾偶從二三子過河陽之潘浴習其人
有素而一握甚歡掃南山之翠延浴升堂喜久
晴而乾俄而氣蒸醫閭神湧長白一拳一勺怒

鐵嶺縣志

卷下

三

生羽翮縵縵青雲忽垂天之翼開凝馨舒素天
香乍來螳視絳霄一花自摘舉罇承之不粉而
白噫鮮矣艷矣春光占矣當其蟾述簷影玉露
葛惟大美中含而風未敢吹也攜空幻想尙或
庶幾至其矐然而群飛也則壽陽之額姑射之
肌蘧夢之蝴蝶乘軒之威儀一一髣髴萬萬參
差斯皆造化之妙顧孰從而卻之諸君子樂而
以酒屬浴浴斗筭受耳而一旦若決江河蓋不
銷於人群之磊落而銷於天地之太和逮風急

而雲摩瓊林散彩玉樹生花白毫者瞿花鬢者
麻爾汝何殊天下一家斯時也通席起望滿空
鸞鶴瀚海天山一統華萼已而夜闌酒罷散春
衙下玉街搖搖人影一燭高齋絳河如繩直貫
予懷精神旣澡理不能埋噫嘻此時之浴不幾
人中之至清乎哉念久豢於所天則疑於玩世
之賢而私淑於吾道則逼於超世之仙雖然正
深有愧於雪焉雪之德天下之至光明也雪之
功天下之至神化也仲尼曰乾始能以美利利

天下不言所利大矣哉當其普之至於無擇而
天下知爲旣雪之後化之至於無有而天下依
然未雪之前非聰明睿智之聖人而能然

雪後又賦

郝浴

時銀州雪深三尺至乙未大霽浴又得登龍首
而賦焉龍首銀州之東山也旭彩驚飛玉宇爛
然千條綠水西上連天坐見十二樓之下八門
洞闢萬馬嘶春輦飛鏑叫甲照龍鱗以視數千
里間雖秋毫不爽若千萬疊之燕山殆近而自

指其掌是有元美得天而朗回首此中不過飯
牛之奚牧豕之弘甘跨之頑吞毛之忠采藥之
逋夫被髮之狂童高臥於牛衣米困之中而已
安能若彼赫赫者畫堂鶴警上翠濤之酒進紫
筍之茶嬌歌鸚鵡艷拍琵琶乎哉而馨香神明
則所獨誇屬聞往歲輦穀以南太行左右淮北
浙西龜田寸裂野老哭犁菜色兒女價賤於泥
其有洛陽牡丹會稽荷花淮南桂樹姑蘓蘭芽
尙自粉艷霞飛嫣然南衙而凡卉無知曾何救

於百姓之身家至於遊媚富貴之女躡金爲蓮
破翠爲裳晝鬱千步之奇夜來百濯之香是其
淡掃蜡眉之黛綠適所以奪蒼生續命之糟糠
其以視銀州之雪索八蜡蘓百穀洗瘴驅瘟爲
社稷福將謂孰否孰臧孰聖孰狂柯香淵默而
歌之曰龍德之人人深兮龍氣盛而難藏旣塞
空以橫下兮盍灑然而相忘若更得排燕市下
江南五嶺清芬冒雪回陽旣從此一潔而雪聲
響於炎海復於彼一香而梅氣滿乎帝鄉斯不

亦細縕太和沐浴群芳乎

詩

歲暮書懷

本齋李呈祥

萬事只求身健在逢人相慶太平時
大家物力喧神鼓小市風光颭酒旗
痛飲乍忘衣似鐵高歌那惜髮成絲
試看冬日生春日先上扶桑海樹枝

元日

三冬羈客又新年獨坐清宵思悄然
地曠誰聞群籟寂天高自數列星懸
燈花結蕊臨詩卷雪粒凝香薦

鐵嶺縣志

卷下

三九

酒筵已解荷鋤耘半畝寒原早喜見晴烟

鐵嶺塔

左懋泰

古塔十三級北城獨立幽八方隨佛日一柱起邊愁
鈴鐸諸天語階梯象罔求無從登眺處仰視自悠悠
逢虎行

猛虎當路坐行人皆辟易爪牙靜不張眼光下照石
恨無朱亥椎奮臂碎其額虎亦太恣睢故與人相阨
徐行踏怒去但留虎蹠跡

讀麗中師自粵寄梅花詩

嶺南老衲欲逃禪
撇寄梅花詩百篇
萬里遙期明月下
寸心共盡早春前
美人入夢多遲暮
孤客招魂半野烟
無待笛聲吹徹處
天山雪落已淒然

焦冥師壽日避客

凌虛羽士逐朝霞
洞裏清猿待客茶
應知天上春還早
別向青山掃落花

古洞易名行

華掌郝浴

銀州門外柴水清
銀州東去柴水生
水生虎窟山圍繞
中有洞天纏虎名
邢子登山向山語
洞胡不以觀

鐵嶺縣志

卷下

三

音舉轉看威猛臂
千條多智如燈目
如炬分身虎變火
爲蓮二名曾不差
一黍君今願作妙
莊行應爲香山尋
難聲綽約肌膚如
處子好把災黎玉
臂擎聞說羣山銜
洞紫紫光流入普
門裏門前一水劃
銀河來抱銀州玉
相似

鐵嶺城四首

郝浴

百尺空城首自搔
青山綠水一過遵
鳥翻東北遶天盡
魚上西南海路高
龍氣已衝都護印
雞聲還亂大夫騷
幾回欲雪滄桑涕
愧似新亭泛濁醪

故李將軍此用兵帑金十萬鑄嚴城曾矜雲鳥兼山
立不信俾倪一掌平風雨愁歌花樹曲黃昏爭汎木
魚聲銷魂更是狡狴石兀守空衙倚月明

甲第排雲久作塵重開茅屋見陽春蛾眉漫寫蓮花
步廣柳終迷漁父津竟入他山樵古木輕于舊水捉
金鱗悠悠芻狗還成夢杖底春風想聖人

敕放歸田八十翁中華宰相起遼東名留古寺豐碑
上事在前朝天順中多寶環收千疊翠羣湖返照一
般紅玉門此日應如闕滿路春風攬轡同

鐵嶺縣志

卷下

三

觀音洞

洞口人烟渺空濛翠欲浮草香無鹿跡澗古有雲流
晴日巖常暗鳴禽樹自幽桃花溪谷發漁者未容求

其二

山骨知誰鑿儼然成室堂雲涵蒼壁潤蘚覆古苔香
淨遠龍蛇氣淡通日月光穴空懸石髓班錯盡文章

其三

靈異天難秘清幽聖所依一朝人意合萬古法容輝
石露垂蓮慢巖花繡佛衣隱然聞梵語香霧四山微

其四

亦有巖棲士悠悠謝世喧
溪雲隨去住山色自朝昏
拂石松同偃翻經鳥共論
丹成寧慮失虎豹守柴門

題觀音洞

雍丘羅繼謨

洞自何年闢名從此日新
寶幢圍石色香樹藉苔茵
古澗龍蛇伏荒崖虎豹馴
會當尋勝蹟延跳愜吾真

其二

扣角非吾事溪林典自長
披經雲過眼採藥翠沾裳
法雨莓苔潤神鐙巖岫光
無生如可悟直欲問慈航

鐵嶺縣志

卷下

三十一

李寧遠看花樓

東牟左曄生

花下提戈月滿樓將軍控馬待
高秋雲山一望寒旌色
遼水於今日夜流

登三清觀

茗巖直上太虛宮高下諸峰憑檻中
西倚銀州秋色迥東連紫塞野雲空
當年勝跡殘碑石此日登臨落木風
杯酒不知身外事遠天望斷見飛鴻

中秋偕諸友集郝復陽先生月臺

霜黃節序過常期籬下寒花已滿枝
徑就陶家頻載

酒濤疑枚叔未裁詩中宵月到光輝處絕塞人當少
壯時好共良朋拚一醉風塵有弟隔天涯

鴛鴦湖

蓼紅一望野田開想像青娥載酒來七十二湖齊泛
棹不知何處採菱回

次左錫侯范莊韻

豫章戴國士

地僻海天東雙流夾萬松洪荒藏太古曠莽接長空
樵獵漫山火獰裘人骨風誰憐絲粟命尙在堪坏中

萬花樓

東牟左昕生

雕欄翠幃注天涯休沐材官唱晚衙朔氣忽隨陰雨
變危樓長倚夕陽斜夜明露淮平原第秋老籬開處
士家盛事不堪搖落盡猶存消息問梅花

泛舟鴛鴦湖

青春戚遲碧草芳冰開湖水泛鴛鴦黯黯春流波上
下羈緒與之俱短長同人載酒向湖畔更放鷁舟遊
汗漫棹發參差菱苻分人語低昂鳧鴨亂洪濤出沒
巨流通扁舟明滅夕陽東萬頃茫然光霽霽千山倒
景氣鴻濛倚舟大魚有時出驚波跳沫聲沸澤鱸鮓

風雲久不興蛟龍咫尺愁相失座上久客蘆中人迴
船悄然動呻吟不知楊柳西園盛爭如芙蓉南浦淡
南浦芙蓉風歷亂酒酣興極淚如霰空餘鷗鷺對浮
沈湖上鴛鴦終不見

觀音洞詩二首爲環生年臺賦 陳行恭

物外惟邢子能消去國憂短筇隨道路絕塞得林丘
涓滴寒泉響陰森古洞幽天高思縱騎與爾會同遊
其二

精舍從僧結丹經許客攜山林安問虎雨雪自聞雞

鐵嶺縣志

卷下

三四

眼放三韓濶愁空二室低此間堪隱逸真與武陸齊

題觀音洞

方山陸鳴時

想見雲深處無能一快遊千峰圍瑞靄一徑別林丘
石洞開天久名山古佛留展圖何所慕吾道自悠悠

前題

天台周 鼎

巉巖石洞倚天開碧水悠悠去復迴秀列千峯含曉
霧寒生積雪鎖蒼苔風塵幾黯香鑪色獅象遙瞻法
座巍支遁幽期終不負雨花何事獨登臺

元宵作

董國祥

雲淨三階月欲高滿城歌鼓競遊遨儼然柝弛金吾
夜不復烽傳介馬勞壤擊真堪稱

帝里原田庶得美車旄衰遲獨未忘奇士閉戶燃藜
自熟騷

假寐

湖海元龍夙所期齊今高古亦隨宜當窓滿照關山
月徒壁空餘老大悲百里鬻秦知己過子卿歸漢懼
成遲五風十雨朝朝有坐擁寒牀繞夢思

贈苗焦冥鍊師

鐵嶺縣志

卷下

三五

自是含元佳氣多洞天小有白雲窩但看落筆驚風
雨若傍觀棋爛斧柯子午崑崙頂已遍蒼梧北海幾
迴過右軍偶作黃庭草未信山陰聽籠鶩

效郝復陽放言體

人情縱復似陰諧也逐東風拂面開胥靡等閒能肖
夢還看海日射金臺

盛京紀述

六鼇神足奠坤輿草昧天開壯
帝居禹貢山川指顧裏周官禮樂繪圖初千秋王氣

維磐石五色卿雲捧日車誰識東京作賦者徘徊已
是十年餘

東山仙洞

梁園邢爲樞

窈窕窮巖岫谿笈啓洞門法幢纏曉氣梵響出雲根
寺轉欹平路烟披遠近村捫崖辨題句剝落半苔痕

送李宮詹

賜環

毘陵吳達

驪駒初唱嶺雲秋典屬還家尚黑頭濟上青山雙淚
眼關門明月一仙舟他年諫獵知無罪此日行歌任
自由漠漠水田飛白鷺羊裘老子更何求

鐵嶺縣志跋語

易曰斲木爲耜揉木爲耒耒耜之利以教天下取諸益此萬世衣食之原也周家以農事開國卜世三十卜年八百故豳風豳雅豳頌所詳皆農

跋語

事焉

國家念豐芑重地設立郡縣招集民人墾田殖穀所以爲根本計至淡遠矣卽鐵嶺居民屯堡所云臺所云衝者皆昔時望烽燧謹斥堠之地麻麥

蒙蒙瓜瓞啐啐其氣象爲何
如哉孔子曰夏禮吾能言之
杞不足徵也殷禮吾能言之
宋不足徵也無徵不信吾舍
周奚適哉故作爲春秋繫正
月於王繫王於春所謂本天

道以治人事大一統之義也
春秋之義兼事辭道法而有
之天王狩於河陽法卽道也
春秋未修曰雨星不及地尺
而復旣修曰星實如雨辭卽
事也前代之事若存若亾縣

設未久鮮可紀者賈公之爲
此志或據事以徵實或因言
以立教忠君愛國之意娓娓
溢於辭端觀光揚烈藝敘萬
年於吾夫子從周之志實無
媿焉寧止一邑之事云爾哉

跋語

卷

三

康熙丁巳長至前二日邑人

董國祥書

在北京大
日本帝國
大使館調
查所資料室



